


RI RUJIBANIC
RI PROFETA
JOSE SMIT



RI RUKATAJ RI
JESUCRISTO QUICHIN
RI CHOJLAXELA
CHUPAN RI RUQ'LIISIBEL
TAK K'II

RI RUJQUIBANIC RI PROFETA JOSE SMIT

Ri tiquiribel

Re jun tzijonic nibanatej ka vave' elesan pe chupan ri nimalej utz rutz'ibaxic banon can roma ri José Smit, y nuchol ka riq'uin ruch'abel rija' janila ruvech c'atzinel tak c'ulvachitajic ri xbanon chi xtictelj k'anej Ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij. Re ti co'ol tzijonic re' k'axan pa tak janila ch'abel, y ronojel re nubij vave' can jebel quetaman conojel ri runimanela' e c'o pa tak q'uiy tinamit.

Ri rujquibanic ri José Smit

Xinalex chupan ri juna' 1805, pa juvinek oxi' rajlabal ri ic' diciembre, chupan ri tinamit Sharon, pa ri nima tinamit rubini'an Vermont. C'o tak lajuj la'ek nujuna' chiri', tok ri nata', rubini'an chuka' José Smit xel el chupan ri etanulef richin ri Vermont y xk'ax chiri' pa Palmyra, pa ri nima tinamit rubini'an Nueva York. Tok xuben caji' juna' tapon ri nata' chiri' pa Palmyra, xk'ax chic quiq'uin ri raj pa jay pa Manchester, chupan ri tinamit xkabij yan ka.

Tok xuben ca'i' juna' kojco'je' chiri' pa Manchester, xbec'ulun pe chiri' acuchi oj c'o vi, jun meyelilej sachibel c'u'xlal, chucanoxic ri Ajaf chiquicojol ri nimanic yequibanala' chiri'. Can kitzij vi chi ri quinimila' qui' chiri' acuchi oj c'o vi, y can janila chi vinaki' ye'ocyaj apon quiq'uin ri q'uiy ruvech rucanoxic ri Ajaf, can yemolol vi y niquich'arala' qui' ri vinaki'; e c'o ch'aka' yesiq'uin y niquibij: "Ja re vave' " y

Re' banatajinek roma
Ri Ruk'ataj ri Jesucristo quichin
ri Chojlaxela' chupan ri
Ruq'uisibel tak K'ij

ch'aka' chic: "Ja la chila'." Ch'aka' ni quixic' qui' chirij ri quinimabel c'u'x ri aj metodista, ch'aka' chiquij ri aj Presbiteriana y ri ch'aka' chic chiquij ri aj bautista. Ri yeyuk'un quichin, can janíla vi yesamej richin yequich'acala' ch'aka' chic cachibil. Man riq'uín vi c'a ri', tok ri nimanela' ni quich'arala' qui' y yeocyaj apon, ch'aka' quiq'uín ri aj vave' y ch'aka' quiq'uín ri aj chila', chiri' xk'alajin vi chi xa man can ta choj ri quinojibal. Ri samajela' y ri yetzekelben, xa chak ni quibananej chi e utz; roma can xquic'ut chi xa e sachinek y xa man choj ta ri quina'oj. Ri uc'uey quibey xquichop qui' chiquivech rije' y ri tzelkelbela' chiquivech rije'.

Ja c'a ri' tok yin nuchapon chic vo'lajuj nujuna'. Chupan c'a ri k'ij ri' tok conojel man ni quíl ta achique ni quiben, xe'oc c'a pa nujolon janíla ruvech kukanic y nimalej sachibel; man riq'uín vi c'a ri', ri nimalej kukanic c'o viq'uín, can binakel vi yiruo'uixaj. Chuka', can xinjech'ela' can juba' vi' quiq'uín che ri molojri'il yequibanala' y c'o c'a bey chuka' xibe quiq'uín tok ni quimol qui'. Xa ja c'a, can janíla vi nim ri sachibel y oyoval yequibanala' chiquicojol ri jalajoj quivech molojri'il, roma can c'a janíla vi in c'ajol oc c'ayef xuben chinuvech. Roma ri' c'a, manjun vetaman chiquij ri achi'a' y ri nic'ulvachitej, y roma ri' man xitiquir ta xinch'ob achique ri kitzij ni quibij y achique ri ni'.

Chupan c'a ri oyovalen tak ch'abel y sachibel tak nojibel in c'o vi, y ninc'utula' ka chuve yin: ¿Achique ta jun nibanatej? ¿Achique camí c'a chique re molojri'il re' ri kitzij; o xa checonojel e sachinek? Vi xa c'o c'a jun chiquicojol rije' ri kitzij, ¿achique c'a chique rije' y achique ninben richin ninnabej?

Can janíla vi in cosinek chic roma ri c'ayeval tak banobel nic'ulvachitej chiquicojol ri jalajoj quivech ri yecanon ri Ajaf. Jun c'a k'ij ninnic'oj ka ruvech ri rutz'ibanic rubanon can ri

Santiago, chupan ri nabey tanaj y ri ro' moc'aj, y quere' nubij: "Vi c'o jun chive rix ri nic'atzin etamabel chire, tuc'utuj c'a chire ri Dios. Roma Rija' man nuq'ueq'uej ta richin nuya' etamabel chique conojel ri yec'utun chire y man nuch'olij ta. Xa can xtuya' vi chire."

Manjun tzij che ri Lok'olej Tz'ibanic oquinek ta pa ránima jun achin riq'uín janíla uchuk'a' chuvech re tzij re', y re vacami can pa vánima yin xoc vi. Can ninna' y chi can riq'uín jun nimalej uchuk'a' xoc ka c'a pa ruc'u'x ri vánima. Janíla mul xinch'ob rij, roma vetaman yin chi ri nic'atzin ri etamabel chire richin ri Ajaf xa can ja vi yin; roma can man ninvil ta vi achique ninben. Ja c'a ri tijonela' quichin ri jalajoj quivech molojri'il, ni quisol rij jun tz'ibanic chupan ri Lok'olej Vuj y can manjun junan ta rusolic ni quiben, y roma c'a ri' man nicuker ta nuc'u'x richin ninsol vi' chupan ri c'ayeval mas que ta nincanoj chupan ri Lok'olej Vuj.

Ri nabey tz'etonic

Pa ruq'uisibel xinnojj chi vi yicanej can pa k'eku'm y pa sachibel o c'o chi ninben ri nubij ri Santiago, ninc'utuj chire ri Ajaf. Pa ruq'uisibel xinbij chi ninc'utuj na c'a chire ri Ajaf, roma xinch'ob chi vi Rija' can nuya' vi etamabel chique ri manek quiq'uín, y can nutaluj vi chique checonojel, xinbij chi nintojtobej na c'a yin.

Vacami c'a, xinnim vi' chubanic richin ninc'utuj na c'a chire ri Ajaf, xinjech'ej el vi' pa jun ti q'uechelaj y chiri' xintojtobej vi. Re' xc'ulvachitej pa jun jebel tz'iranilej nimak'a', pa rutiquiribel ri quisjanbal ri cotz'ij chupan ri juna' 1820. Can c'a nabey vi mul che, chijun nuc'aslen re' ninvajo' ninben. Can manjun bey vi nutojtoben ta jun lok'olej tzijonic.

Tok in c'o chic chiri' chupan ri c'ojlibel ri nucanon yan, xitzu'un chuvij y chinuvech y xinna' chi nuyon in c'o, xixuque' ka, y


xintiquiriba' rubixic chire ri Ajaf, ronojel rurayibel ri vánima. Can c'a juba' oc quitzijon tok ninna' yin chi jun uchuk'a' xiruchop y can jumul xiruch'ec, y ri vak' can man chic nisilon ta y roma c'a ri' man chic xitiquir ta xich'o. Jun t'okolilej sutz' xusutij ri' chuvij. Ja c'a ri', tok yin xinch'ob chi achi'el xa jun c'ate' vululen petenek chuvij.

Xintij chic nuk'ij riq'uin ronojel ri vuchuk'a' richin xinc'utuj chire ri Ajaf chi yirucol ta chupan ri ruchuk'a' ri etzelal ri in chapayon, tok ninna' yin chi manjun chic yitiquir ninben y xe chic voyoben richin jampe' yiq'uis. Ja c'a ri', tok xintz'et jun sakil, can c'ovinek ruvi' nich'ich'an chuvech ri k'ij, ruk'ijun pe ri nujolon; y re sakil re' can chi jutekba', xka' ka pe viq'uin. Manjani can ta tuc'ut ri' jebel, tok xinna' yin chi xicolotej pa ruk'a' ri etzelal in chapayon. Tok xoka' ka pe viq'uin ri sakil, xintz'et k'anej pa cak'ik' pa nuvi' e ca'i' vinaki', y ri quich'ich'anic y ri quik'ij can man yatiquir ta natzijoj. Jun chique rije' xch'o pe chuve y xiroyoj pe riq'uin ri nubi', y xubij, tok nuc'ut apon ri rachibil: "*¡Ja Rija' ri Nuc'ajol Yinlok'ok'ej, tavaç'axaj!*"

Ri nunojibal yin tok xich'o riq'uin ri Ajaf xa richin ninvajo' ninvetamaj achique chiquicojol ri yebin chi quitzekelben ri Ajaf ri kitzij, richin queri' yinoc apon quiq'uin. Que c'a ri', xinc'utuj chique ri vinaki' ri e c'o chupan ri sakil pa nuvi', achique chique ri molojri'il ri kitzij y achojiq'uin yibe vi yin.

Xbitej chuve chi manjun achojiq'uin yibe vi, xa roma checonojel e c'o pa sachibel. Ri vinek ri xch'o chuve, xubij chi conojel ri quinimabel c'u'x xa jun etzelanic chuvech rija', y checonojel ri tijonela' xa man chic choj ta ri cánima. Xaxe "riq'uin ri quichi", niquiya' nuk'ij po ri cánima xa nej c'o vi viq'uin yin. Utzilej pixabanic niquic'ut niquiben y xa quitijobel achi'a' niquic'ut, can niquiben chi janíla yeniman y xa man niquic'ut ta," xcha Rija'.

"Xintz'et jun sakil ruk'ijun pe ri nujolon."



Jun bey chic xubij chuve chi man ninya' ta apon vi' riq'uin nijun chique rije'. Janíla ch'aka' chic xubij chuve y man yitiquir ta nintz'ibaj ka vacami.

C'a ca'i' oxi' k'ij tinc'ulvachij ri jun tz'etonic tok chak c'ate' xinc'ul vi' riq'uin jun chique ri tijonela' quiq'uin ri aj metodistas. Rija' can janíla vi nisamej chusiloxic ri canon Ajaf, y xitzijon riq'uin rija' chirij ri nic'ulvachitej roma ri rucanoxic ri Ajaf. Utz xinna' xintzijo chire ri jun tz'etonic ri xinc'ulvachij. Ja c'a ri runa'oj xuben chuve can janíla xinmey. Man xe ta oc xuben che ri nutzij chi man nic'atzin ta chire, y xa can riq'uin janíla etzelanic, xubij chi ronojel ri xrac'axaj xa richin ri etzelal; y chi xa manak ri tz'etonic y ri k'alajjrisanic chupan re k'ij re', y chi xa ronojel re c'ulvachitajic re' xq'uis can tok xecom ri apóstoles, y chi manjun bey chic xtoka'.

Man riq'uin vi c'a ri', chanin xinnabej chi ri xintzijo xuc'asoj jun oyovalen chuvij chiquicojol ri tijonela' quichin ri canon Ajaf. Ja c'a re' xban ka chuve chi xinokotex riq'uin ronojel oyovalen. Ronojel mul can nic'o ruvi' ri okotanic xinc'ulvachij, ma's que xa c'a in jun ti c'ajol ala' oc man etaman ta ruvech, roma xa c'a oc ri' nuchapon vo'lajuj nujuna'. Checonojel ruvech molojri'il xquitun qui', richin yincokotaj.

Tok queri' xinc'ulvachij xuben chuve chi janíla xinojin, y can binakel queri' xubanala' chuve. Re' can meyel chi jun ti c'ajol ala' man etaman ta ruvech y c'a oc ri' ruchapon vo'lajuj rujuna', y chuka', jun ti vinek ri janíla c'atzinel chire chi riq'uin ti rusamaj, nuch'ec ti ruvey ronojel k'ij. Ja ta c'a ri' xtiqubien ta chire chi jun vinek c'o ruk'ij richin ta nusiloj ri quinojibal ri nima'k tak vinaki' ri ye'uc'uan quibey ri ronojel ruvech molojri'il chupan ri k'ij ri'. Y que c'a ri', can jatakel xnimer quiq'uin rije' jun etzelalilej okotabel y torinic. Re' vi can meyel o ni', po can que vi ri'

xc'ulvachitej; y can binakel janíla k'axo'n xuya' chuve yin.

Man riq'uin vi c'a ri', man xchup ta ri tz'etonic o xq'uis ta chirí' ri xintz'et. Chirí' c'a, xinnojij chi yin xinc'ulvachij achi'el ri Pablo, tok xuk'alajjrisaj apon chuvech ri rajaf ri tinamit rubini'an Agripa y xutzijoj apon chire chi xuben jun tz'etonic acuchi xutz'et jun sakil y xrac'axaj jun ch'abel. Man riq'uin vi c'a ri', xa e juba' oc xeniman. Ch'aka' xquibij chi xa nik'olon. Ch'aka' chic xquibij chi xa moxirinek. Xquijakala' quichi' chirij y xquich'ey. Po manjun c'a chire ri xuc'ulvachij xuyo' ta ri kitzij tz'etonic xuben y ma's que c'a, janíla chi okotanic xtibanatej chire vave' chuxe' re caj manjun xtitiquir xtichupun ri xc'ulvachitej. Y ma's que ta xtokotex c'a chuvech ri camic, man riq'uin vi c'a ri' can retaman vi chuka' riq'uin ri ruq'uisibel ruxla', chi xutz'et jun sakil y xrac'axaj jun ch'abel ri xch'o chire; y chijun ruvach'ulef man xquetiquir ta xtiqubien chire chi tunojij y tunimaj chi man que ta ri'.

Can que vi c'a ri' rubanon viq'uin yin. Yin can kitzij vi xintz'et jun sakil, y pa runic'ajal ri sakil xentz'et e ca'i' vinaki', y rije' can kitzij vi xetzijon viq'uin. Y ma's que c'a yinnetzelex y yinokotex roma nintzijo' chi xinben jun tz'etonic, man riq'uin vi c'a ri' can kitzij vi; y tok yetajin c'a chuvokotaxic, yinquiyok'ola' y yequibila' ronojel ruvech k'olaj chuvij roma ninjiquiba' ri xinc'ulvachij, yin ninnojij pa vánima: ¿Achique roma yinquetzelaj y can kitzij ri ninbij? Can kitzij vi chi xinben jun tz'etonic. ¿In achique cami c'a yin richin ninpaba' vi' chuvech ri Ajaf? ¿O achique roma ri ruvach'ulef nrajo' nuben chuve chi tinvejaj ri can kitzij xintz'et? Roma xinben jun tz'etonic. Yin vetaman y nik'ax chinuvech chi ri Ajaf chuka' retaman. Roma ri' man yitiquir ta ninvejaj, ni man ninrayij ta queri' ninben chire. Roma can vetaman vi chi vi xtinvejaj, yimacun chuvech ri Ajaf y riq'uin c'a ri' yitzak pa k'axo'n

roma ri mac.

Ri nunojibal cukirinek chic chirij ri yequibanala' ri jalajoj quivech molojri'il. C'o chi yic'oje' can quere' c'a tok xtiyatej ch'aka' chic ruchojmilal chuve. Chiri' c'a xinnabej chi ri nujiquba' ri Santiago can kitzij vi, tok xubij vi jun achin manek retamabal, utz nuc'utuj chire ri Ajaf y can niyatej vi xa juba' choj chire.

Ri rula'nic ri Moroni

Xinben c'a ri nusamaj can nubanon pe, c'a chupan ri juvinek jun rajlabal ri ic' septiembere che ri juna' 1823, can binakel c'a xintij pokon roma ri etzelanic niqubanalala' chuve conojel vinaki'. Can xinquetzelaj vi ri yecanon ri Ajaf y chuka' ri manjun niquinimaj. Re' xinc'ulvachij roma yin can ninjiquba' vi chi xinben jun tz'etonic.

Ri k'ij xek'axlan can chirij tok xinc'ulvachij ri tz'etonic ri', xbix c'a can chuve chi man ninxol ta apon vi' quiq'uin ri jalajoj quivech ri yecanon ri Ajaf. Xabachique ta na chi', xa c'a juba' c'a oc tak nujuna' y yinokotex c'a coma ri xa e ruc'amon ta ye'oc vachibil y utz ta nuc'uaxic xquiben. Vi in sachinek in quitz'eton xquiben ta utzil, xquibij ta chuve chi utzil richin ta xinela chupan ri sachibel. Roma c'a ri', can ninna' yin chi xixime' chupan ronojel ruvech tzakbel. Tok ninyoj c'a apon vi' quiq'uin ronojel quivech vinaki', can binakel vi man utz ta xinbanala' y xinbila' chiquivech chi xa c'a in c'ajol na y xisachlan riq'uin ronojel ri ti nubanic chi vinek. Ronojel c'a re', ninpokonaj ninbij, po can xirunim vi chupan q'uiy ruvech piq'uibel, ri can man e ruc'amon ta vi chuvech ri Ajaf. Re' nink'alajirisaj vave' man richin ta nibitej chuve chi can yin vi xinbanala' nima'k o etzelal tak mac, roma manjun bey c'ovinek viq'uin jun rayibel queri'.

Roma c'a ronojel re c'ulvachitajic re', can ninna' vi yin chi man utz ta yenbanala' riq'uin ri manjani in cof ta y ri nusachirinen. Que c'a re',


chupan ri tocok'a' richin ri juvinek jun rajlabal ri ic' septiembere, kanatan chic, chirij tok xibe pa nuvarabel, xinben ka jun tzijonic, richin ninc'utuj chire ri Ajaf chinojel Tiquirinel chi tucuyu' ronojel ri numac y ri man e ruc'amon ta e nubanalon. Chuka' xinc'utuj chire chi tuk'alajirisaj chinuvech, richin ninvetamaj in achique y achique nubanic chuvech Riija'. Roma yin can janila vi cukul nuc'u'x chi can jic niban chic jun lok'olej k'alajirisanic chuve, achi'el ri xa c'a juba' tinc'ulvachij can.

Que c'a ri' nubanon, tok yitajin chuc'utuxic chire ri Ajaf, xintz'et chi jun sakil xbec'ulun pe chirij' pa vachoch. Re-sakil re' jatakakel xnimer chirij' c'a tok ri vachoch can xic'o ruvi' sek xuben chuvech ri nic'aj k'ij. Ja c'a ri' tok chak c'ate' xbec'utmej pe jun vinek pa ruxiquin ri nuch'at, pa'el chirij', po ri raken man apon ta ka pan ulef.

Ri vinek ri' rucusan jun rutziaik man ruximon ta y can rayinel vi ri ruloxil. Ri sakil ri' can manjun nutz'eton ta vave' chuvach'ulef ri rubanic, y jic chuka' manjun chic c'o ta pa jun chic ruvach'ulef ri nitiquir ta nuc'ut ri meyelilej ruch'ich'anic y ri ruloxil. Ri ruk'a' e ch'anel, c'a pa ruvi' k'anej juba' ri ruvech ri ruk'a'. Can que chuka' ri' rubanon ri raken c'a pa ruvi' k'anej juba' ri ruvech raken. Chuka' c'o ta pe pa rujolon y ri rukul, y xitiquir xinnabej chi manjun chic ch'aka' tziek e rucusan, roma jakel ri rutziaik y riq'uin ri' nik'alajin pe ri ruva ruc'u'x.

Man xe ta c'a oc ri rutziaik meyel ri rusakil, xa can ic'ovinek chic ruvi' ri rubanic ri vinek, can man tiquirel ta ri rutzijoxic. Ri rupalej can achi'el jun c'asliclej coyopa'. Ri vachoch c'o vi can janila sakirinek, po re sakil re' man achi'el ta ri ruch'ich'anic ri vinek banayon. Tok c'a nabey xintz'et, xinbibij vi', po can chanih xujech'ej el ri' ri xibirinic. Xiroyoj riq'uin ri nubi', y xubij chuve chi riija' jun takoxel elenek pe c'a riq'uin ri Ajaf, y Moroni ri rubi'. Xubij chuve chi

“Xintz’et chi jun sakil
xbec’ulun pe chiri’ pa
vachoch...”



ri Ajaf c'o jun samaj ruya'on pe pa nubi', y pa tak nima'k y cocoj tak tinamit y ronojel ruvech ch'abel xticusex c'a ri nubi' richin utzil y etzelal, y chuka' xtiban c'a utz o itzel tak ch'oven chuvij pa tak ronojel tinamit. Xubij c'a chuve chi yacon can jun vuj tz'ibatajinek can chuvech tz'ajtz'ik tak k'ana ch'ich', ri can nich'o chiquij ri ojer tak vinaki' ri xec'oje' chuvech re ruvach'ulef re', y chuka' acuchi e elenek vi pe tok xe'oka' vave'. Chuka' xuk'alajirisaj chi chiri' tz'ibatajinek vi can ronojel ri ruxe'el ri lok'olej rutzijol man q'uisel ta, ri rutzijon can ri Colonel chique ri ojer tak vinaki'.

Chuka' xubij chi ruc'uan can ri' riq'uin ri tz'ajtz'ik tak ch'ich' ca'i' abej, e sutin pa saka' ch'ich'. Re' e yukban riq'uin to'bel ruvac'u'xal. Jare' e banon ri nibix chire ri Urim y ri Tumim, y ri rajaf y ri ye'ucusan ri abej re', ja rije' ri e tz'etonela' quichin ri ojer k'ij, y ri Ajaf e rubanon can richin niquick'axaj pa tak ch'abel ri vuj. Tok xtane' c'a chubixic ronojel re' chuve, xunatala' k'anej ri e bitajinek can chupan ri ojer Retal Vuj. Nabey xunataj juba' rupan ri rox tanaj richin ri Malaquías, y chuka' ri rucaj o ruq'uisibel tanaj richin ri Malaquías. Xa jari' can rujalon vi juba' rubixic chuvech ri c'o chupan ri Biblia. Pa ruq'uexel ri nabey moc'aj achi'el rubanon chupan ri Biblia, quere' xuben chire rija':

“Can que vi c'a ri', nipe c'a jun k'ij y nibec'at c'a achi'el jun c'atbel y checonojel ri quinimirisan qui', ja', y chuka' ri man choj c'aslen yequibanala' xquebec'at c'a achi'el nuben ri raken aven; roma c'a je ri e petenek jari' xqueporon quichin nubij ri Ajaf quichin ri takoxela'. Roma c'a ri' can man xticanej ta can manjun quixe'el ni quik'a'.”

C'a c'a ri' xunataj chic ri ro' tanaj y quere' xuben chire: *“Vacami c'a, yin nink'alajirisaj can chivech ri chicajel tiquiribel ri c'o pe pa ruk'a' ri Elias ri profeta ninabiyej c'a pe chuvech ri*

nimalej y c'ayevilej k'ij richin ri Ajaf."

Chuka' xubij chic re jun moc'aj re' y jun vi chic xuben chire: *"Ja c'a rija' xtiberutica' pa cánima ri calc'ual ri sujun can chique ri quitata', y ri cánima ri alc'ualaxela' xquetzolin chic quiq'uin ri quitata'. Vi man que ta ri' xtiquben, chijun ruvach'ulef xtibevulvu' ruvech tok rija' xtipe."*

Chirij chic c'a re', xunataj chic rujulajuj tanaj richin ri Isafas, y xubij chi re' can nibec'ulvachitej yan. Chuka' xunataj chic ri moc'aj e c'o chupan ri juvinek ca'i' y juvinek oxí' richin ri rox tanaj chire ri Xquibanala' ri Apóstoles can achi'el rubanon can chupan ri C'ac'a' Retal Vuj. Xuk'alajirisaj chi ri lok'olej profeta ri' ja ri Cristo. Xa ja ri manjani tapon ri k'ij po xa juba' na xtapon tok "checonojel ri vinaki' ri man xticac'axaj ta ri ruch'abel ri profeta, can jic xquec'ukux el chupan ri tinamit."

Xunataj chuka', ri rutiquirinic ri moc'aj juvinek vakxaki' c'a pa ruq'uisibel ri ruca'n tanaj richin ri Joel. Xubij chi manjani can ta nic'ulvachitej yan, po xa man chic niyaloj ta richin nic'ulvachitej. Chuka' xuk'alajirisaj chi chanin nipe ri quik'ij ri man e rija'tzul ta ri Israel. Xerunataj janíla ch'aka' chic tzij e c'o chupan ri Lok'olej Tz'ibanic y q'uiy rusolic rij xubanala' po man yojtiquir ta nikanataj ka vave'. Chirij re ch'aka' re', xubij chuka' chuve chi tok yin xtinc'ul ri tz'ajtz'ik tak ch'ich' ri rubin chic rija' chuve, (xa ja ri manjani tapon ri k'ij richin niyatej chuve) tok xtinc'ul, manjun achojchuvech ninc'ut vi, ni ta c'a richin ruvac'u'xal rachibilan can ri Urim y ri Tumim. Xe oc ninc'ut chiquivech achojachique xtibix chuve. Vi xtinc'ut, xquiq'uis chiri'. Tok nitzijon c'a viq'uin chirij ri tz'ajtz'ik tak ch'ich', xc'utmej pa nujolon jun tz'etonic y can jebel xitiquir xintz'et ri c'ojlibel acuchi e yacon vi can. Can janíla jebel xintz'et y xinnabej chi can xitiquir xinvetamaj ruvech ri c'ojlibel tok xincanoj. Chirij c'a ronojel re xbitej can chuve, xintz'et

chi ri sakil c'o chiri' pa vachoch xumol apon ri' chirij ri vinek ri janíla xtzijon viq'uin. Que c'a ri' xuben, c'a tok ri vachoch xcanej chic can jun bey pa k'eku'm y xaxe chic oc chunakaj ri vinek c'o vi ri sakil. Tok xintz'et chak c'ate' xjakatej y xuben achi'el jun bey ruc'akon el ri' c'a chicaj, y chupan c'a ri' xjote' vi el c'a tok jumul man xk'alajin ta chic. C'a c'a ri' ri vachoch xcanej can jun bey chic achi'el ri rubanon tok manjani titz'uc sakil richin chicaj. Janíla c'a xinojin can chirij re jun c'ulvachitajic xink'axaj. Can janíla ninmey ronojel ri xubij can chuve ri jun meyleilej takoxel. Ja c'a ri' ninkuka' rij tok c'ate' chic xinnabej chiri' pa vachoch xbec'ulun chic pe jun bey jun sakil, y can pa jun anin, ri takoxel xch'o yan viq'uin, xbec'ulun chic pe jun bey chiri' pa ruxiquin ri nuch'at.

Xch'o chic c'a k'anej jun bey y xucamuluj chic rubixic ronojel ri xutzijoj yan can chuve chupan ri nabey rula'nic, y can manjun xujel ta juba' rubixic. Tok xucamuluj yan c'a ronojel, xch'o chic chirij nima'k tak k'axo'n xquepe pa ruvi' re ruvach'ulef. Yebec'ulvachitej nima'k tak k'axo'n y c'ayeval roma ri va'ijal y ri cobbel ch'ich' y ri vululen tak yabil. Conojel c'a re', yebec'ulvachitej pa ruvi' re ruvach'ulef chupan re ija'tzul vinaki' re'. Tok xtane' c'a chubixic ronojel re' chuve, jun bey chic xbe chicaj, achi'el ri xuben el tok xintz'et ri nabey mul.

Chirij c'a re ruca'n tzijonic re', can janíla nej xe'oc pa nujolon, ronojel ri xinc'ulvachij. Roma c'a ri', manjun chic nuvaran, y xaxe chic nuyukun vi' pa nuch'at richin ninmey y ninch'ob rij ronojel ri xintz'et y xinvac'axaj. Po tok queri' nubanon jun bey chic xintz'et ri takoxel ri xch'o yan camul viq'uin, pa'el chic chiri' chuchi' ri nuch'at. Jun bey chic, chuka' xubij ronojel ri xubij yan chuve. C'a c'ari' xuben chic can jun natanic chuve, y xubij chi ri Ajtzay can jic xtutij ruk'ij richin yirunek (roma ri ruchinamit (familia) ri nata' can manek vi puek ta quiq'uin). Ja c'a ri' xtrajo richin ninbec'ama'.

ri tz'ajtz'ik tak ch'ich' richin yibeyomer. Po rija' xubij chuve chi man que ta ri' ninben, y xubij chuve chi tok xquec'oje' pa nuk'a' ri tz'ajtz'ik tak ch'ich', manjun achique ta chic xtinnojj richin queri' xe chic ninya' ruk'ij ri Ajaf y chi can manjun achique ta chic nojibel xquirutakchi'ij, richin queri' xe chic yisamej chupabaxic rajavaren. Vi xa man que ta ri' xtinben, man xtiyatej ta chuve.

Tok xic'o re rox ula'nic re', jun bey chic xbe chicaj achi'el rubanon el ri ca'i' mul. Chirij c'a re', xicanej chic can jun bey y can janila ninch'ob y ninmey rij ronojel ri c'a oc ri' nibitej can chuve. Ja c'a ri', tok c'a juba' oc tijote' el ri aj chicajel takoxel pa rox mul, jari' tok xbesiq'uin pe ri mama'. Ja c'a ri' tok xinnabej chi xa nisaker yan pe. Chiri' c'a xinnabej chi ri tzijonic c'a xkaben ri' can jun ak'a' la'ek c'a xojtzijon.

Xa juba' chic c'a oc ri', xiyacatej el pa nuch'at y achi'el ninben ronojel k'ij xibe y xinbebana' ri nusamaj ninben ronojel k'ij. Po tok xinvaajo' ta xisamej ka achi'el tinben, xinnabej chi xa manjun chic c'a vuchuk'a', y xinna' yin chi xa can manjun yitiquir ta ninben. Ri nata' can nakaj oc nisamej pe viq'uin, xutz'et chi xa achique na noc chuve, xubij chi xitzolin pa kachoch. Xinel c'a pe chiri' richin yibe pa vachoch, po tok xinvaajo' xink'axaj ri kejoj richin yinel pe chupan ri ulef acuchi oj c'o vi' ja c'a ri' tok xinna' yin chi xq'uis ronojel ri vuchuk'a', man xinna' ta chic tok xitzak pan ulef y xiyaloj xic'oje' chiri' po manjun xinna'. Tok xuna' juba' nuvech xinvac'axaj chi c'o jun ch'abel nich'o chuve, xiroyoj pe riq'uin nubi'. Tok xitzu'un k'anej xintz'et chi xa ja ri takoxel c'o chic viq'uin jun bey pa nuvi', sutivinek pa sakil achi'el rubanon pe ri ch'aka' chic mul. Chiri' c'a xutzijoj chic jun bey chuve ronojel ri xubij yan chuve. C'a c'a ri' xirutek el riq'uin ri nata' richin nintzijoj chire ri tz'etonic nutz'eton y ronojel ri pixabanic xuya' can chuve.

Xinben c'a ri xbitej chuve. Xitzolin acuchi nisamej vi ri nata' pa juyu'. Chiri' xink'alajirisaj chuvech ronojel ri nuc'ulvachin. Rija' xubij chuve chi ronojel ri' can richin vi ri Ajaf, y chuka' xubij chuve chi tinbana' c'a ronojel ri xubij can ri takoxel chuve. Xinel c'a pe chiri' riq'uin ri nata' y xibe c'a acuchi e yacon vi can ri tz'ajtz'ik tak ch'ich' achi'el rubin can chuve ri takoxel. Roma c'a can jebel xk'alajin pa nuvech ri c'ojlilbel acuchi e ya'on vi can, tok xinapon chiri', chanin xinvetamaj acuchi c'o vi.

Ri lok'olej retal tz'ibanic

Chunakaj ri ch'uti tinamit Manchester, rufel ri Ontario, c'o chupan ri nima tinamit richin Nueva York, chiri' c'o jun ti juyu' chak ti loman oc, po jare' ri ic'ovinek chiquivech checonojel ri e c'o chiri'. Pa ruxiquin ri juyu' ri c'o pa ruchojmil acuchi nika' ka vi ri k'ij, juba' oc ruya'on vi can ri ruvi'. Chiri' c'a, chuxe' jun abej chak ti loman oc e ya'on vi can ri tz'ajtz'ik tak ch'ich', e yacon can pa jun abej yacbel. Pa runic'ajal y ri pa ruvi' re abej re' can pin vi y setesic, po ri ruchi' e xax oc. Roma ri queri' rubanic can jebel k'alaj pe ri ruvi' chupan ri ulef ja c'a ri ruchi' man e k'alaj ta pe pan ulef.

Tok xinvelesaj ri ulef chirij, xinvil jun che' y xitiquir xinju' chuxe' ri ruchi' ri abej. Riq'uin c'a re' xa juba' oc vuchuk'a' xinya' xtzeketej k'anej. Xitzu'un c'a ka chupan ri abej yacbel y can chiri' vi e c'o vi ri tz'ajtz'ik tak ch'ich', ri Urim y ri Tumim y ri to'bel ruvac'u'xal achi'el ri rubin can ri takoxel chuve. Ri c'ojlilbel acuchi yacon vi can che abej banon vi, e k'olin riq'uin jun ri chi joc'on abej. Chupan ri yaconabel e c'o ca'i' abej e k'eban can chupan y chirij re ca'i' abej re', e li'an vi can ri tz'ajtz'ik tak ch'ich' y ch'aka' ri e c'o can chiri'.

Xintojtobej xinvelesaj el, po ri takoxel xubij chuve chi ni', y jun bey chic xbix chuve chi manjani tapon ri k'ij richin ninvelesaj el. Man juba' ta oc ninvoyobej, xa

c'a tok xtic'o na caji' juna', xtitz'aket chupan ri k'ij ri'. Po xubij chic chuve chi yibe chic chiri' tok xtitz'aket jun juna' y ri vinek chiri' yiroyobej vi. Xubij chic jun bey chi tok nitz'aket jun juna', c'o chi yinapon chiri' c'a tok xtacon ri k'ij richin niyatej pe chuve ri tz'ajtz'ik tak ch'ich'.

Ronojel c'a ri bitajinek can chuve xinben, tok napon jujun juna' yinapon chiri'. Ronojel mul xibe chiri' xinvil vi ri takoxel, y tok nikac'ul ki' riq'uin, ronojel mul yirupixabaj can y nuk'alajirisala' can q'uiy c'ulvachitajic ri xqueberubana' ri Ajaf, y achique xtuben richin nubiyinisaj ri rurayibal chupan ri ruq'uisibel tak k'ij.


Xa roma c'a ri nata' manek can ta c'o ri rupuak, y roma ri' c'o chi nikacusaj ri kak'a' richin nikaben chi k'ij samaj y xabachique ch'aka' chic samaj yebix chike. C'o bey yojliletej pa kachoch y c'o bey man yojc'oje' ta. Y xaxe vi, tok yojsamej ronojel k'ij, yojch'acon juba' chi utzil y xe queri' utz juba' yojc'ase'.

Chupan ri ic' octubre che ri juna' 1825 xuya' ti nusamaj jun achin ti benek chic juba' rujuna' rubini'an Josiah Stoal, c'o chupan ri rulef ri Chenango, richin nima tinamit Nueva York. Chupan jampe xisamej riq'uin re achin re', xinkej vachoch riq'uin jun achin rubini'an Isaac Hale. Rija' aj Harmony richin Pensilvania. Riq'uin re achin re' xinvetamaj ruvech ri vixjayil vacami, rumi'al re achin re', rubini'an Emma Hale. Xojc'ule' riq'uin chupan ri vakxakilajuj rajlabal ri ic' enero che ri juna' 1827 chiri', tok c'a yisamej na riq'uin ri achin Stoal. Tok c'a juba' quic'ule' xinya' can ri nusamaj riq'uin ri achin yisamej vi, y xitzolin chic pa rachoch ri nata' y riq'uin rija' junan xkasamajij ri ulef.

C'a runaj c'a xapon ri k'ij richin ninbec'ama' ri tz'ajtz'ik tak ch'ich', ri Urim y ri Tumim y ri ruvac'u'xal.

Chupan ri juvinek ca'i' rajlabal ri ic' septiembre che ri juna' 1827, ja k'ij ri' xtz'aket jun chic juna' richin yinapon acuchi e ya'on vi can. Tok

“C'a runaj c'a xapon ri k'ij richin ninbec'ama' ri tz'ajtz'ik tak ch'ich'...”




xinapon chiri' can ja ri aj chicajel takoxel xberujacha' pe chuve, po quere' xubij can chuve: chi yin yinejkalen achique xtiq'ic'ulvachij. Vi xtinya' k'ij richin xquesach el roma man yiniman ta chique, can jic jare' xquiq'uis chiri'. Ja c'a vi xtintij nuk'ij richin ninyec chi utzil c'a tok ri takoxel xtipe chuc'amic, vi queri' xtinben, manjun c'a xtiq'ic'ulvachij ri'.

Chanin c'a xitiquir xinnabej achique roma tok xbix can chuve chi tinchajij chi utzil, y chuka' achique roma tok ri takoxel xubij can chuve chi tok xting'uis pa ruvi' ronojel ri najovex chuve, ja c'a ri' tok xtipe rija' chuc'amic. Roma xa can c'a manjani tetamex chi utzil chi viq'uin yin e c'o vi, tok xquicanola' riq'uin ronojel quirayibel richin ta xquelesaj chuve. Can janila vi chi nojibel xequicanoj richin ta xc'achoj ri quirayibal. Ja c'a ri' tok can xic'o chic ruvi' ri etzelanic y ri okotanic xequibanala' chuve chuvech ri nabey, y can janila vi chi vinaki' yinquitzekelbela' y yinquik'ijuj richin ta niquelesaj chuve. Po xitiquir c'a xinyec chi utzil c'a tok xc'achoj ronojel ri najovex chuve. Tok ri takoxel xpe chuc'amic ronojel ri e c'o viq'uin, achi'el ri rubin can chuve, xinjech c'a el chire, y riq'uin rija' e c'o vi vacami, chupan ri k'ij/ca'i' rajlabal ri ic' mayo che ri juna' 1838.

Man riq'uin vi c'a ri', ri mololonic chak najin, y ri yequibila' janila chi vinaki' can c'ayef tak tzij yequibanala' chirij ri ruchinamit ri nata', y chuvij yin. Vi ta nintzijoj ka juba' chire ri xequibanala' chuve can jic janila chi vuj yeruq'uis ka. Ri etzelanic xequibanala' chuve can man coch'el ta chic, chi riq'uin vi c'a ri' c'o chi xin el chiri' pa Manchester. Riq'uin ri vixjayil xojk'ax chiri' pa Susquehanna, richin Pennsylvania. Ja c'a tok nikanuc' ki' richin yojbe, roma c'a can manjun c'o kiq'uin. Que chic c'a xik'itej yan roma ronojel ri etzelanic niban chike, y nikatz'et roj chi xa manjun rutzijol chi yojchojmir ta juba'

“Xinchop rutz'ibaxic ri e banon can chirij ri tz'ajtz'ik tak ch'ich'...”



chupan c'a re k'axo'n re' oj c'o vi, tok xkil jun utzilej achin rubini' an Martin Harris. Rija' xuya' cavineklajuj puek chuve, richin yojruto'bej che ri kanojin yojel el. Re achin re' Harris aj richin ri tinamit Palmyra, chiri' pa Nueva York. Rija' jun aj tico'n can c'o vi ruk'ij.

Roma ri to'nic xyatej chuve tok can janila nic'atzin, riq'uin c'a re' xitiquir xinapon chiri' pa Pensilvania. Can xe c'a xinapon chiri', jari' xinchop rutz'ibaxic ri e banon can chirij ri tz'ajtz'ik tak ch'ich'. Can q'uij juba' xitiquir xinvelesaj y xitiquir xink'axaj pa nuch'abel ca'i' oxi' chire re samaj re' riq'uin ri Urim y Tumim. Re re' xintiquiriba' el chupan ri ic' diciembre, ja ic' re' tok xinapon chuka' chirachoch ri rutata' ri vixjayil c'a chupan ri ic' febrero che ri jun chic juna'.

Can chupan chuka' ri ic' febrero, ri jun achin xkanataj yan ka, ri rubini'an Martin Harris xpe pa kachoch. Xeruq'uen el ri etal e velesan chic chuvech ri tz'ajtz'ik tak ch'ich', riq'uin c'a re samaj re' xeruc'uaj el y xbe chupan ri tinamit Nueva York. Chirij c'a ri xc'ulvachitej riq'uin re achin re' y ri xeruc'uaj el, ninvajo' nikatzijoj ka ri xuc'ulvachij achi'el ri xutzijoj rija' chuve tok xtzolin pe. Ri xutzijoj chuve jare' c'o ka y quere' xubij:

"Xibe chupan ri tinamit Nueva York y xinc'ut re etal e c'o can chuvech ri tz'ajtz'ik tak ch'ich' y ri k'axaxic banon can, chuvech ri tijonel Charles Anthon. Re achin re' can janila vi ruk'ij roma ri retamabal chirij ri tz'ibanic. Ri tijonel Anthon xubij chi ri ruk'axaxic banon can janila utz y can jebel vi rubanic chiquivech ch'aka' chic ri e rutz'eton rija' chirij ri ch'abel egipcio. Chuka' xinc'ut chuvech ri c'a manjani quek'axex y xubij chuve chi aj egipcios e banayon can, y chuka' aj caldeos, asirios y arabes, y ri quisamaj can nujunamaj vi ri'. Xuya' c'a pe chuve jun vujil acuchi nubij vi chique ri vinaki' aj Palmyra chi re etal e c'o can xe e kitzij y chi ri ruk'axaxic banon chuka' can utz vi rubanic.

Xinq'uen c'a pe ri vujil, xinju' pe pa nupekes, y can jare' yipe yan chivachoch tok ri achin Anthon xiroyoj y xuc'utuj chuve chi achique xuben re ala' re' richin xunabej chi e yacon can ri tz'ajtz'ik tak k'ana ch'ich' chiri' acuchi xril vi. Yin xinbij chire chi xa jun rutakoxel ri Ajaf xk'alajirisan chire.

Ja c'a ri' tok rija' quere' xubij: "Ninkej juba' ri vujil xinya' chave." Xinben c'a ri xubij chuve. Xinvelesaj pe ri vuj pa nupekes y xinjech pa ruk'a'. Rija' xuchop ri vuj ruya'on chuve y xuvech', y xubij chi xa manek chic niquik'alajirisa' ta qui' ri takoxela', y xubij chi vi ninc'uaj el chire rija' ri tz'ajtz'ik tak ch'ich', ja rija' xtik'axan. Yin xinbij chire, chi ch'aka' chire ri tz'ajtz'ik tak ch'ich' can jebel tz'apen, y man niya' ta kij chuve richin ninqu'em pe. Ja c'a ri' tok xubij chuve: "Man yitiquir ta nintz'et ruvech jun vuj tz'apen." Xinel c'a el chiri' y xinbetz'eta' ri achin Mitchell, y rija' chuka' xujiquiba' ronojel ri rubin ri achin Anthon chirij ri e banon can y ri ruk'axaxic banon."

Chupan ri ro' rajlabal ri ic' abril che ri juna' 1829, xpe pa vachoch jun achin rubini'an Oliverio Cowdery. Re achin re' can manjun bey nutz'eton. Rija' xubij chuve chi xtijon pa jun tijobel c'o chiri' chunakaj ri rachoch ri nata', y chuka' ri nata' yin e c'o ralc'ual chiri' pa tijobel. Re achin re' xberuxkanej juba' ri' pa rachoch ri nata'. Chiri' c'a ri ruchinamit ri nata' xquitzijoj chire ronojel ri xinc'ulvachij tok xyatej can ri tz'ajtz'ik tak ch'ich' chuve, y roma c'a ri' xpe viq'uin richin nuc'utuj ronojel chuve.

Tok xuben ca'i' K'ij tapon ri achin Cowdery viq'uin (chupan ri vuku' rajlabal ri ic' abril), yin xinchop ruk'axaxic ri Vuj richin ri Mormon y rija' chuka' xuchop tz'ibanic richin yiruto'.

Ri rutzolijatajic ri chicajel tiquirinic

Chupan chic ri jun ic' (mayo che ri juna' 1829), c'a yojtajin na chubanic ri samaj richin ri nikak'axaj pa

kach'abel ri e ya'on can chuve. Ja c'a ri' tok vojbe chiri' pa ti q'uechelaj richin yojtzijon riq'uin ri Ajaf y nikac'utuj chire achique rubanic ri kasan chuxe' ya' richin nitojbex ri mac. Ri nikajo' nikac'utuj vacami can ja vi ri nubij chuvech ri tz'ajtz'ik tak ch'ich'. Tok oj c'o chiri' nikamej ki' chuvech ri Ajaf. Ja c'a ri' tok xbeka' ka pe chicaj jun takoxel petenek pa ruvi' jun sakil sutz' rubanic. Tok xoka' ka kiq'uin, xuya' ri ruk'a' pa kavi', c'a c'a ri' xojrutek y quere' xubij:

"Pan ivi' rix ri vachibil pa samaj, pa rubi' ri Mesfas ninya' can chive ri Chicajel Tiquiribel richin ri Aaron. Re samaj re' ruc'uan ri jakbel banobel quichin ri takolaxela' y ri richin ri utzilej rutzijol richin tzolibel c'u'xlal, y chuka' ruc'amon pe ri jakbel richin ri kasan chuxe' ya' richin nitojbex ri mac. Y re chicajel tiquiribel re' can manjun chic xtelesex el chuvach'ulef c'a tok ri ralc'ual ri Levi jun bey chic xtiquisuj chire ri Ajaf jun sujbel riq'uin ruchojmilal."

Xuk'alajirisaj c'a can chikavech chi ri Chicajel Tiquiribel richin ri Aaron man ya'on ta pe k'ij chire richin niquben ri ya'ic k'abaj richin nik'axex ri rusipanic ri Lok'olej Uxlabixel. Re' c'a xtibeyatej na chike. Xojrutek el chi yin ninkasaj chuxe' ya' ri Oliverio Cowdery y c'a c'a ri', ja chic rija' yirukasaj chuxe' ya' yin.

Xkaben c'a ri xbitej can chike. Xojbe y xkakasaj ki' chuxe' ya'. Yin xinben ri kasan ya' chire ri vachibil nabey. C'a ri' ja chic rija' xuben chuve yin. Chirij c'a re', xinya' chic nuk'a' pa rujolon richin ninya' el chire' ri Chicajel Tiquiribel richin ri Aaron. C'a c'a ri' ja chic rija' xuya' ruk'a' pa nujolon richin xuya' chuka' chuve ri chicajel tiquiribel. Ronojel re' xkaben roma queri' bitajinek can chike.

Ri takoxel ri xoka' kiq'uin re jun bey re' xuya' can chike ri chicajel tiquiribel re' xubij chi rija' rubini'an Juan. Can ja vi rija' ri rubini'an Juan Bautista ri ninatex chupan

ri C'ac'a' Retal Vuj. Rija' nuben ri samaj ri niqubij pe chire ri Pedro, ri Santiago y ri Juan, roma pa quik'a' rije' ya'on vi ri Chicajel Tiquiribel richin ri Melquisedec. Re samaj nibeyatej chuka' chike xubij rija', po c'a tok xtapon na ri k'ij. Xubij chuve chi ja yin xtinbini'aj nabey Elder richin ri kak'ataj, y ri Oliverio Cowdery ja rija' ri ruca'n. Chupan c'a ri vo'lajuj rajlabal ri ic' mayo che ri juna' 1829 tok xojtak roma re takoxel re', y can xkaben vi ri kasan chuxe' ya' chike.

Tok can c'a oc ri' yojel pe chupan ri ya', tok xc'achoj yan ri kakasan chuxe' ya', can xkana' roj nima'k tak chicajel quicoten richin ri Ajchicajel Katata'. Tok yitajin chubanic ri kasan ya' chire ri Oliverio Cowdery, tok ri Lok'olej Uxlabixel xka' ka pe pa ruvi'. Rija', xpa'e' c'a y xuk'alajirisaj can janila ri xquebec'ulvachitej yan. Que chuka' ri' tok rija' xuben ri kasan ya' chuve chuka' xinc'ul yin ri uchuk'a' richin ri rutzijol. Tok xipa'e' xinya' rutzijol ri achique xtuben k'anej richin ninimer re k'ataj y ch'aka' chic ri c'atzinel chire y quiq'uin re quija'tzul ri calc'ual ri achi'a'. Can xojnoj chire ri Lok'olej Uxlabixel janila xojquicot riq'uin ri Ajaf richin ri kacolotajic.

Tok sakirisanek chic ri kajolon, ja c'a ri' tok xkachop retamaxic ri Lok'olej Tz'ibanic. Can c'a c'a ri' xc'utmej chikavech chi utzil ri nibec'ulun vi ri meyel tak tz'ibanic e banon can, po roj c'a ri' xojtiquir xketamaj, y can manjun kanojin ta juba' chi queri' niberubana' chikavech. Man riq'uin vi c'a ri', c'o chi xkevaj ronojel ri xyatej can chike ri chicajel tiquiribel y ri kasan chuxe' ya' roma can janila vi etzelanic ruc'utun chic ri' chikij chiri' acuchi oj c'o vi.

C'o jujun bey xojquik'ljula' richin yojquich'ey. Re nojibel re' can ja vi ri tijonela' quichin ri yecanon ri Ajaf yebanon. Y ri achique xpaban ronojel re nojibel re' xa roma chi can janila vi etaman quivech chiri' ri rach'alal ri rutata' ri

vixjayil (ronojel re' xc'ulvachitej roma ri to'nic richin chicaj). Re vinaki' re' can janila vi xika' chiquivech. Roma ri', man yeniman ta chire ronojel ri yebitej. Y rije' can niquirayij richin niyatej ta k'ij chuve y man ta jun chic nipaban ri samaj richin k'axanic yitajin chubanic. Xa roma ri', xquisuj y xquijiquiba' chi vojquito', c'a acuchi yetiquir vi kiq'uin, chupan xabachique nik'abex chikij.

Jiquibanela'

Tok yojtajin chubanic ri samaj richin nikak'axaj pa kach'abel, xkanabej chi ri Ajaf c'o chi yeruya' pe kiq'uin e oxii' jiquibanela', y can xe vi chique rije' niya' vi k'ij richin niqitz'et ri tz'ajtz'ik tak ch'ich' ahojchupan xtibec'ulun vi pe ri Vuj richin ri Mormon. Re jiquibanela' re' c'o chi niqijiquiba' chirij re vuj re', achi'el ri tz'iban chupan ri Vuj richin ri Mormon, chiri' pa Eter, tanaj vo'o', moc'aj ca'i', oxii' y caji'; chuka' chupan ri Ruca'n Nefi, tanaj julajuj, moc'aj oxii'. Tok can c'a juba' tikanabej re nikatzijoj ka, jari' tok ri Oliverio Cowdery, David Whitmer y Martin Harris xquibij chuve chi tinc'utuj ri Ajaf, richin nikanabej vi rije' e ruc'amon richin ye'oc ri jiquibanela'. (Xbanatej c'a ri c'utunic chire ri Ajaf, y pa jun k'alajirisanic, xnabex vi chi xyatej k'ij chique richin ye'oc ri jiquibanela'.) Man c'a q'uiy ta k'ij xic'o, tok ri Martin Harris, David Whitmer, ri Oliverio Cowdery y yin, xkaya' el chikavech richin xojbe pa tak chej. Queri' nibekila' pe, riq'uin ri nikaxuc ki' y riq'uin ri ch'uch'uj tzijonic chire ri Ajaf richin nik'alajirisex pe chikavech ri sujunic banon chike richin niya' k'ij chique chutz'etic ri tz'ajtz'ik tak ch'ich'. Richin xkaben ronojel re', xkaq'uek el ruvech jun ti q'uechelaj c'o chunakaj ri rachoch ri achin Whitmer. Chiri' c'a xojbe vi. Tok xojxuque' ka, xkac'utuj c'a riq'uin ronojel kac'u'x chire ri Ajaf Ronojel Tiquirinel chi tuya' c'a chike y tibanatej c'a ronojel ri sujun chike.

Achi'el c'a ri kabin el, ja yin xitiquiriban k'anej ri ch'oven y cof rubixic xinben k'anej chire ri Ajchicajel Katata'. Ri vachibil chijujun xinqitzekelbej k'anej. Man riq'uin vi c'a ri', tok xojtane' chire re nabey tzijonic re' can manjun achique ta Lok'olej rutzijol xoka' ka ta kiq'uin. Xkacamuluj chic rubanic ri kach'oven riq'uin Rija' achi'el ri xkaben yan ka y can riq'uin ronojel kac'u'x chuvech ri Ajaf, y chikajujunal xojch'o ka, po can manjun achique ta chic xbitej chike. Chirij re ruca'n tojtobenic re', ri Martin Harris xubij chi rija' nujech'ej el ri' kiq'uin, roma nuna' rija', achi'el xubij, chi can roma rija' c'o apon kiq'uin, roma ri' man niyatej ta chike ri nikajo'. Xuch'er c'a el ri' kiq'uin, y roj xojxuque' ka chic jun bey. Xa c'a juba' c'a oc, kojtzijon k'anej riq'uin ri Ajaf, tok chak c'ate' xkatz'et k'anej chicaj pa kavi' roj, jun meyelilej sakil. Ja c'a ri' tok jun rutakoxel ri Ajaf xuc'ut pe ri' chikavech y ruc'amon pe pa ruk'a' ri tz'ajtz'ik tak ch'ich' . . . Xeruk'axala' c'a chikavech ri ruxak chijujun richin queri' yojtiquir nikatz'et ri vachinel tak vachibel e c'o can chuvech. C'a c'a ri' xch'o chire ri a David Whitmer, y xubij chire: "*David, lok' ruk'ij ralaxic ri Ajaf ri nitaken quichin ri rupixa'.*" Pa junanen xkac'axaj chic jun ch'abel elenek pe chupan ri ch'ich'anelilej sakil ri c'o pa kavi' roj, y quere' xubij: "*Re tz'ajtz'ik tak ch'ich' re' xenabex roma ri rutiquiribal Rija'. Ri ruk'axaxic ri banon y ri itz'eton can utz vi rubanic, y yixintakchi'ij richin tijiquibala' ronojel ri nitz'et y nivac'axaj vacami.*"

Xinech'ej c'a el vi' quiq'uin ri David y ri Oliverio, y xibe chucanoxic ri Martin Harris. Rija' xinvil po can c'a nej juba' c'o vi y rija' chuka' riq'uin ronojel ruc'u'x nich'o k'anej chire ri Ajaf. Man riq'uin vi c'a ri', xuk'alajirisaj chuve chi manjani tic'ul roma ri Ajaf, y can janila vi xubij chuve chi tinvachibilaj chiroyoxic ri Ajaf, richin queri' chuka' rija' nuna' ta c'a ri quicoten nuya' ri turusanic ri c'a oc ri' nikac'ul roj. Can que c'a ri' xkaben,

xinvachibilaj richin xojch'o k'anej chire ri Ajaf y c'a c'a ri' xyatej chike ri nikajo'. Tok c'a manjani yojtane', xuc'ut chic ri' chikavech ri takoxel xkatz'et yan, y yin xintz'et y xinvac'axaj chic jun bey ronojel ri xbix yan chike. Ja c'a ri', tok ri Martin Harris, can meyel ri quicoten xuna' y quere' xubij: "¡Mani chic! ¡Mani chic!," roma ri nuvech xquitz'et yan, ri nuvech xquitz'et yan." Tok xyacatej k'anej, xurek ruchi' y xubij: "Hosana", chuka' xuya' ruk'ij ri Ajaf y yalan quicotembel xeruc'utula'.

Tok xyatej c'a ronojel re' chike roma ri rusipanic ri Ajaf, riq'uin re ronojel chicajel tak k'alajirisabel re', xaxe c'a vacami re oxí' achi'a' re' xtiqitakej c'a ronojel ri pixa' ri xyatej can chique richin xquequijiquiba' ronojel ri xquivachij y xcac'axaj, y richin niquiben c'a ronojel re' xquinojij y xquinim qui' chuvech riq'uin ri quibi' chupan jun vujil ri nubij quere':

Ri quijiquibanic ri oxí' jiquibanela'

Tiquetamaj c'a checonojel ri tinamit y ri ija'tzul, y ri ch'abel y ri vinek achojiq'uin xtapon vi re vuj re', chi roj, roma ri rusipanic ri Ajaf Tata'ixel, y richin chuka' ri Kanimajaval Jesucristo, can xekatz'et vi ri tz'ajtz'ik tak ch'ich' achojchuvech e c'o vi re nikatziroj ka vave'. Re' nich'o chirij ronojel ri quibanobal ri tinamit rubini'an Nefi, y chuka' ri aj Lamanitas, ri e cach'alal, y chuka' ri tinamit Jared ri e elenek pe riq'uin ri jusjic jay ri banon chic ch'oven chirij. Chirij c'a ronojel re', ketaman chi k'axan roma ri rusipanic y ri rutiquiribel ri Ajaf, roma can ja vi ri ruch'abel rija' xbin chike. Roma c'a ri', ketaman chi utzil chi re samaj re' can kitzij vi. Chuka' nikajiquiba' chi xekatz'et ri e banon can chuvech ri tz'ajtz'ik tak ch'ich'. Ronojel re' xc'utmej chikavech roma ri ruchuk'a' ri Ajaf y man roma ta manjun achin. Y nikak'alajirisaj riq'uin utzilej tak ch'abel chi jun rutakoxel ri Ajaf xka' ka pe chicaj, y ja rija' c'amayon pe ri tz'ajtz'ik tak ch'ich' y xuc'ut chikavech. Roma c'a ri', can

xkatz'et xkanic'oj, y xkanabej ronojel ri e c'o can chuvech. Roma c'a ri' xketamaj chi xa roma ri cajovabal ri Ajaf Tata'ixel y Kanimajaval Jesucristo, xojtiquir xkatz'et y nikajiquiba' chi ronojel re' can kitzij vi y ronojel re' can numey vi ri katzubal. Man riq'uin vi c'a ri', ri ruch'abel ri Ajaf xojrutek richin nikajiquiba' rij ronojel re'. Roma c'a ri', richin nikanimabej ri rutzij ri Ajaf, can c'o chi xkajiquiba' vi ronojel re'. Y can ketaman, vi nikatakej ri Cristo, ri katziak xquech'ajch'ojir chuvech ri quiquiq'uel ri achi'a', y manjun c'a tz'il kiq'uin tok xkojapon chuvech ri ruk'atbel tzij ri Cristo, y c'a c'ari' xkojc'oje' c'a jumul, riq'uin Rija' chicaj. Y ja c'a re' ri yabel ruk'ij ri Tata'ixel, y ri C'ajolaxel, y ri Lok'olej Uxlabixel, ri xa e jun Ajaf. Amen."

*Oliverio Cowderly
David Whitmer
Martin Harris*

Tok c'a juba' tic'ulvachitej ronojel re', xilitej chic re jun jiquibanic re':

Ri quijiquibanic ri vakxaki' jiquibanela'

Tiquetamaj checonojel ri tinamit, y ri ija'tzul, y ri ch'abel, y ri vinek achojiq'uin xtapon vi re vuj re', chi ri José Smit, c'ajolaxel, ri k'axayon richin re vuj re', xuc'ut chikavech ri tz'ajtz'ik tak ch'ich' ri janíla ch'oven banon chiquij, ri can e k'ana ch'ich' yetzu'un y can e kachapon quiq'uin kak'a' ronojel ri ruxak ri e rusolon rij ri Smit. Chuka' xekatz'et ri vachibel e banon can chuvech. Ronojel c'a re' nuc'ut chi can ojer vi banon can y can jebel vi banon can chire. Y yojjiquiban chirij ronojel re' riq'uin utzilej tak ch'abel y chuka' kitzij chi ri José Smit xuc'ut chikavech ri tz'ajtz'ik tak ch'ich' ri oj ch'ovinek chic chirij, roma can xekatz'et vi y can xkana' vi ri calal, y can kitzij vi ketaman chi riq'uin ri José Smit e c'o vi. Roma c'a ri' nikac'ut el ri kabi' chujiqubaxic chuvech re ruvach'ulef ri

Ri vakxaki' jiquibanela':
 "Ri José Smit... xuc'ut
 chikavech ri tz'ajtz'ik tak
 ch'ich'..."



xkatz'et. Y man yojk'olon ta, roma can ja vi ri
 Ajaf chuka' ri jiquiban kiq'uin."

Christian Whitmer
 Jacob Whitmer
 Peter Whitmer, c'ajolaxel
 John Whitmer
 Hiram Page
 Joseph Smith, tata'aj
 Hyrum Smith
 Samuel H. Smith


Vacami c'a janíla nikarayij richin nic'ulvachitej
 ta ri rusujun can ri takoxel ri xya'on can chike ri
 Chicajel Tiquiribel richin ri Aarón, po xubij can
 chi vi xtikatakej ronojel ri bitajinek chike, c'a
 c'a ri' xtiyatej chic chike ri Chicajel Tiquiribel
 richin ri Melquisedec, re lok'olej samaj re'
 ya'on k'ij chire richin ri yabel k'abaj pa ruvi'
 jolomaj richin nik'axex ri rusipanic ri Lok'olej
 Uxlabixel.

(Ri Profeta nuk'alajirisaj chi pa rucamul xuc'ul
 can ri Chicajel Tiquiribel richin ri Melquisedec,
 pa quik'a' ri Pedro, Santiago y Juan, chuchi' ri
 raken ya' rubini'an Susquehanna, pa jun
 c'ojlibel chucojol ri Harmony, Pennsylvania y
 Colesville, richin Nueva York.)

Ri k'ataj paban

Tok ri *Vuj richin ri Mormon* c'o pa ruk'a'
 banoy vuj, roj xkabiynisaj rutzijoxic y
 rujiquibaxic ronojel ri ketaman xa jampe'
 mul utz xkana' xojtzijon. Chuka' xkak'alajirisaj
 chiquivech ri kach'alal chi oj takon can richin
 nikanuc' o nikaben ruchojmil ri k'ataj.
 Chubanic c'a re', xkamol ki' pa rachoch ri
 achin Peter Whitmer, tata'aj (oj vaki' ri xkamol
 ki') chupan ri martes vaki' rajlabal ri ic' abril,
 che ri juna' 1830. Xkatiquiriba' c'a ka ri
 kamolojri'il riq'uin jun lok'olej ch'oven chire ri
 Ajchicajel Katata'. C'a c'a ri' xkac'ulbela' ki'
 quiq'uin ri ach'alal, achi'el ri bitajinek can
 chike, richin xketamabej vi nika' chiquivech

Xc'ulutej ri Chicajel
Tiquiribel richin
Melquisedec chiquik'a' ri
Pedro, ri Santiago y ri
Juan.



chi roj yojoc tijonela' chirij ri etamabel richin ri Rajavaren ri Ajaf, y vi rije' nika' chiquivech richin nikanim ki' chupan y nikanuc' chuka' ri k'ataj, achi'el ri rubanic ri bin can chike. Checonojel xka' chiquivech ronojel ri xkabij chique y checonojel xquibij chi utz. C'a c'a ri' xinya' ri nuk'a' pa ruvi' ri Oliverio Cowdery, richin noc ruca'n na'elet chupan ri K'ataj. Jari' tok rija' xuya' chuve yin ri samaj richin nabey na'elet chupan ri K'ataj. C'a c'a ri' xkaya' kak'a' pa quivi' ri ch'aka' richin queri' niquic'ul chuka' rije' ri rusipanic ri Lok'olej Uxlabixel y richin yejiquibex ajk'ataj richin ri Ruk'ataj ri Cristo. Ja c'a ri', tok ri Lok'olej Uxlabixel xuquiraj ri' pa kavi' choj konojel, po can meyel ri xuben chike. Ch'aka' xquiya' rutzijol y ja c'a roj nikayala' ruk'ij ri Ajaf y can janila vi nim ri quicoten xkana'.

C'a c'a ri' xekoyola' ch'aka' chic kach'alal richin xkayala' ch'aka' chic quisamaj chupan ri chicajel tiquiribel. Ri' xkabanala' achi'el ri xuyala' pe chike ri Uxlabixel, y janila yojquicot roma can xketamaj vi chi utzil chi oj ajk'ataj chikajujunal y can retaman vi kavech ri Ajaf chi oj richin "Ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij." Xkanuc' c'a ri' ruk'ataj achi'el ri rupixa' y ronojel ri c'utbel e rubanalon pe ri Ajaf chupan re ruq'uisibel tak K'ij, y chuka' xbanatej ri runuq'uic ri k'ataj achi'el c'o can chupan ri C'ac'a' Retal Vuj.

Ja c'a re' ri rujiquibanic ti ch'uch'uj oc y choj ri xuben ri José Smit. Chupan c'a re', xetzijotej ka jujun chique ri c'ulvachitajic ri xebanon chi xc'oje' k'anej Ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij. Tok c'a juba' titique' el ri K'ataj, rija' y ri rachibil xe'el el pa Nueva York y xek'ax pa Kirtland, pa rufel ri estado richin Ohio. Chiri' xbanatej k'anej jun jebelilej rachoch ri Ajaf. Xchapatej c'a jun

nimalej samaj chutzijoxic ri Ajaf, y can e janíla vi chi vinaki' xe'oc apon chupan ri K'ataj y re' can janíla vi xnimer. Jun chique ri tinamit acuchi xc'amatej vi ronojel re utzilej tzijol re' ja ri Missouri. Tok xya' na juba' k'ij chire, chijun ri K'ataj xk'ax chiri' pa Missouri.

Tok xek'ax chiri' xquik'axaj c'a k'ij man e coch'el ta chic, can chanin c'a chic xpe ri oyovalen chiquij ri Chojlaxela' chupan ri Ruq'uisibel tak K'ij. Ri ch'aka' chic vinaki' xquiben oyoval chique. Xequielek'aj can ri achique e c'o quid'uin y xecokotaj el. Xequimalij can ri cachoch, y ri culef jebel rusamajixic y rutiquic quibanalon y ronojel ri jay acuchi niqumol vi qui' richin yetzizon riq'uin ri Ajaf.

Xebe c'a pa Illinois, tok janíla c'a k'axo'n quina'on el, chiri' xec'ul chi utzil. Pa jun xoral manjun c'o chuech c'o chuchi' ri raken ya' Mississippi, xquilok' vi jun ulef ch'abek ruvech. Xquijosk'ij c'a ruvech, y chiri' xtz'uctej vi jun tinamit y jare' xoc jun nimalej tinamit chiri' pa Illinois. Nauvoo, "Ri Janíla Jebel" rubini'an. Ri rutiluxic ri rutzijol chiri' pan América y pan Inglaterra, can xeq'uiyer vi ri vinaki' xquinimaj apon, y chiri' can xenimer vi.

Po ri uxlanen chiri' pa Nauvoo man xyaloj ta. Y jun bey chic ri etzelanic yequibanala' ri ch'aka' chic yecanon ri Ajaf xquichop chic ri okotanic. Xequibanala' tz'ucuj tzij, y xequichop ri José Smit y chuka' ri runimal rubini'an Hyrum chiri' pa Carthage. C'o chupan ri quichajixic banon roma ri k'atbel tzij y coyoben richin ye'oyox coma rije', ja c'a ri' tok jun botzaj vinaki' quiyojon el quivech riq'uin ak'om, xequicamisaj chi k'ak' chupan ri juvinek vuku' rajlabal ri ic' junio che ri juna' 1844. Chirij c'a re' ja chic ri Brigham Young xc'oje' can richin nuc'uaj rubey K'ataj. Pa ruk'a' c'a rija' ri Chojlaxela' chupan Ruq'uisibel tak K'ij xe'el el pa Illinois y xquichop c'a jun tzijolelilej binen pa tak Q'uechelajilej Abej. Ja

c'a chiri' xe'oc jun covilej tinamit roma ri xquitiq quik'ij y ri quicukubabel c'u'x. Chupan re k'ij oj c'o vi vacami e janíla chi vinaki' pa ch'aka' chic tinamit, quibin chi ri José Smit can Ruprofeta vi ri Ajaf. Ri utzilej tak quina'oj y ri quibanobal ri quiniman ri rujiquibanic ri José, je rije' yeviko' ri lok'olej oyonic chire rija'. Ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij c'o ri ruxe'el chupan ri k'alajirisanic ri xeruc'ul rija', y ri lok'olej y kitzij tak tijonic xerubanala', y ri ruchojmirisaxic ri chicajel tiquiribel ri xyatej pa ruvi' rija'.

Ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij e c'o ruc'u'x chijun ruvach'ulef. Yekanataj ka vave' jujun chique rije'. Vi navajo' ninimer ri avetamabel chirij ronojel re', xaxe tatz'ibaj jun vuj chique ri yesamej chiri' chunakaj ri avachoch.

Misión de Guatemala, Quetzaltenango
6A Calle 14-66
Zona 3
Quetzaltenango, Guatemala, C.A.

Misión de Guatemala, Guatemala
Apartado 2369
Guatemala, Guatemala, C.A.
Teléfono 60-4-78